



Caulogologo

SULUFAGA MO LENEI MASINA

Lomiga 77

ME 2018

O le masina lenei o Iuni ua tu'u fa'atasia ai sulufaga o le Tino ma le Toto Pa'ia o Keriso (aso 3 Iuni), le Finagalo Pa'ia o Iesu (aso 8 Iuni), ma le Finagalo Pa'ia Imakulata o Maria (aso 9 Iuni); ma o le fa'ai'uga o le masina, le sulufaga o Sagato Peteru ma Paulo (aso 29 Iuni).

O le Eukalisitia o lo'o i le fatu o mea uma; ua ta'ai fa'atasia le alofa fa'avalea a le Atua ua tatala mai ai Keriso mo i tatou. I le fafagaina i le mea tonu ua ta'ua o le "vaega" a le Fa'aao a le Atua, ua fa'apea ona talafeagai ai se tali mai iā i tatou. O lo tatou Tinā, o lona loto atoa ua le pa'i atu i ai le agasala, o se fa'ata'ita'iga sili lea: ua talanoa le loto i le loto, le mamana i le tagata ma fa'apea ai ona fai.

Ona, i ai lea o pou e lua a le Ekalesia mai anamau, e lapopo'a atu i lo olaga o tagata pa'ia o a latou gagana ma tusitusiga o lo'o tatou fa'aogaina pea talu mai le luanfe tausaga talu ai. O Peteru, o se ali'i na fa'amagaloina ni ona fa'aletou, ina ia avea o ia ma fa'avae mautū, o se papa. Ma Paulo, na liliuina ina ua o'o lava i le tulaga na fufulu 'eseina ai le ita ma le sauā mai lona olaga tuai. E matagofie tele le manatuaina o latou e le'i tua lelei, e o'o lava iā i latou ua avea ma o tatou fili, e mafai ona suia, e mafai ona o mai faatasai ma i tatou mo le mamalu o le Atua.

Na fa'apenei ona atia'e le Ekalesia ma o lo'o fa'apea lava ona atia'e i aso nei: e latou e alolofa iā Keriso, taofiofi i le finagalo tatalo a lona Tinā, tu'u fa'atasia ma le Leoleo Mamoe sili, fafaga e sakalameta na tu'uina mai e Iesu, ina ia tatou maua le malosi mo le faigamalaga umi.

O LE TINO MA LE TOTO PA'IA O KERISO

E 'ese le matagofie ma le maofa o le Fa'atutuaga Katoliko! O le talitonuga a Buddha ua ofoina maia ni ana a'oa'oga atamai i e ua mulimuli iā te ia. O Muhammad ua avatu i e ua malosi lo latou talitonu i ni fa'aaliga na avatu iā ia. O Confucius na avatu i ona tagata se faiga e uiga i a'oa'oga i le sesē ma le moni sa ia amataina. Na sau i lalo Mose mai le mauga ma aumai le Tulafono na ia taliaina mai lugā.

Ae o Iesu na aumaia, ofo mai, tauave ma foa'i mai... o ia lava. I le afiafi ae le'i puapuagatia, sa ia fa'atasi atu ile laulau o le Paseka ma ana Apostolo e to'asefulu male to'alua. Ua tago ia i le areto, ma fai mai, *O lo'u tino lenei*, ma si'i a'e le ipu, ma fai mai, *o lo'u toto lenei o le feagaiga, o le afa'amaligina mo le to'atele*. Na ia avatu iā i latou, e lē o se a'oa'oga, se amio lelei, po'o se malamalama'aga fa'aleagaga, ae o lona tagata. O le mafua'aga lenei o le fa'atutuaga Kerisiano e lē o se a'oa'oga po'o se savaliga i le ala fa'atalitonuga, ae o le taumafaina ma le inuina o le Tino ma le Toto o Iesu. Ae o fea se isi talitonuga, i le masani ai o mea e fai, o mea'ai ma mea inu ua tu'ufa'atasia e lē ua taumafaina, ma i lenei mataupu fa'apitoa o lē ua taumafaina ua tu'u fa'atasia e le me'ai ma le mea inu ua ia taumafaina.

Mai lenei malamalama'aga i le Eukalisitia, o Tamā o le Ekalesia ua aumaia le a'oa'oga matagofie o le tu'u fa'atasia ma le Atua. O tatou o so'o e lē na o le mulimuli iā Iesu, 'au a'i fa'atasi e ala i le kalasia ua avea ai o ia o le natura, o ni atali'i ma ni afafine fai i le Alo. O lenei a'oa'oga, ua aumaia se fa'atusa malosi ma se uiga e maotua atu lona uiga ua tatou manatunatu i ai i lenei aso, o le *Tino ma le Toto o le Ali'i*.

O LE FINAGALO PA'IA O IESU

"O a'u o le Pa'ia o lo'o i totonus iā te oe; ou te lē alu atu ma le ita." O nei upu mai le tusi a Hosea (11: 9), o se vaega o le faitauga muamua mo le sulufaga a le Finagalo Pa'ia (8 Iuni) o lo'o manino mai ai ni mafaufauga a lo tatou Tamā Pa'ia a o avea ma Epikopo na filifilia e

avea ma ana tagavai, *Miserando atque eligendo*. O nei upu na aumai i se lauga a Bede Pa'ia i le liliuina o Sagato Mataio: "Ua iloa atu e Iesu le ao lafoga, ma na va'ai atu ma alofa atu ma filifilia ai, sa fai atu, mulimuli mai ia te a'u." O le aso o le sulufaga o Sagato Mataio i le 1953, sa lagona ai e le Pope Faranisisi lava ia lona vala'auina fa'aositaulaga ma le nofo voto, se mea sa mau a'a ma mausali lava i lea taimi i se manatu i le alofa ole Atua. O le mafua'aga lea o le fa'anaunau a Pope Faranisisi e 'a'apa atu ia i latou ua ia ta'ua le 'au "Tulu'iga ma le Fa'atausau'usu'u" – o nofoaga o lo'o maua i ai tagata ua sili atu lo latou mana'omiaina le alofa fa'aola a le Atua, ma le mafua'aga na ia fa'avae ai le Tausaga Iupeli o le Agaalofa lea na amata ia Tesema o le 2015.

O lo'o mautinoa e i ai se feso'ota'iga māfana i le va o le tapua'iga i le Finagalo Pa'ia, ma le tapua'iga fou o le Finagalo Agalofa. Ua maitauina fo'i le vala'au fa'atauanau na fai e Keriso, i vaitau 'ese'ese se lua o le tala'aga, na ala mai iā Sagata Makerita Maria ma Sagata Faustina. Sa ia mama'o ina ia tatou iloaina lona alofa e loloto tele mo tatou. Ina ua tutu'i e le ta'ita'i o le to'aselau le itū a lo tatou Ali'i i le tao, o le atoaga o lenā Finagalo Pa'ia, fa'akoluseina i le tigaina o le tino tagata, na fa'ailoa mai i se 'auala 'ese. Sa taumafai Sagato Ioane e fa'amamafa mai le mea na tupu (Evagelia mo le sulufaga o le Finagalo Pa'ia), ta'u mai sa ia matamata i ai "e moni fo'i lana mau." O le vai ma le toto o ni vaega tāua tele e aumaia le ola. E pei o le Tamā Pa'ia a o talavou, o tatou fo'i e mafai ona tauave le vala'au a lona Finagalo ua taumasuasua i le ola, ma ioeina e avatu i isi le alofa e le fa'atuā'oīina, e laveaina ai i latou mai le fa'aleagaina e le otī: o le alofa o Keriso.

O faitauga ma aemaise o Evagelia mo lenei sulufaga ua uamaia ni vaega manino e tolu, pe ta'ito'atasi pe tu'u fa'atasi fo'i, e tumu i le 'oa. I le Tausaga A, o lo'o vala'uina i tatou e o atu ia te ia, ina ia tatou a'oa'o mai ai i lona agamalū ma le loto maualalo (Mt. 11: 25 – 30). O i, o le Loto o Iesu o se nofoaga o le sulufaiga ma le fa'aulufale, o se fa'apaologa, o se nofaga e saogalemu, o se nofoaga o le filemu e ave gofie ai le avega mamafa, ma e matata'u uma e ua fa'amaloloina. O i'inei, i se 'auala ua talafega ma tatou, ua vala'auina i tatou e ulufale atu i le tulaga o lona Finagalo: e a'oa'o mai ai uiga o Iesu ma ala o feso'ota'iga; ina ia iloa lona Finagalo, ua avatu atoa i le Atua ma tagata uma, ma faia na tulaga o ni a tatou lava.

I le Tausaga B, ua 'aumai ai le tutu'iina o le itū i le tao le Finagalo o Iesu (Ioane 19: 31 – 37), o se mea na feiloa'i atu ai le leaga ma le tiapolo ile agalelei, le agasala i le alofa. Ae a tatou mafaufa fo'i i ai nisi o taimi, e malō lava le agasala. E leai se mea e mafai e le alofa, e malosi le agasala; o le alofa e leai sona pa puipui ma e faigofie ona osofa'ia; e fa'a'aupegaina le agasala ma e mata'utia. Ae ala i lena agaleaga lē fa'atuā'oia, e tatala pe a le Fingalo o Iesu, e lē tapunia, e sasa'a mai ai le anoanoa'i o le alofa fa'aola, o se vai puna e le mafai ona pe. O le agalelei o le Atua ma lona alofa fua ua masa'a mai ai se Finagalo ua fa'amana'alia e le agasala – fa'amana'alia ae le'i to'ilalo. O i'inei ua tatou maua ai le ita ae ua tanumia e le tafe mai o le alofa, le alofa ua pulea le agasala. Ma o i'inei fo'i, i le Finagalo na tutu'i ma fa'amana'alia o Iesu, ua tatou maua ai lo tatou fa'aolataga ma le mautinoa le fa'amoemoe; o i'inei fo'i ua mafai ai ona tatou aumai i ai o tatou loto ua malepelepe, loto ua manu'alia mo le fa'aleleiga ma le toe fa'afouga.

O le Tausaga C, ua tatou tomanatu ai i le tausiga lelei ma le agalelei a le Leoleo Mamoe Lelei (Lk. 15: 3 – 7), ua silafaina i tatou ta'ito'atasi ma e fiafia e aumai iā i tatou lona Finagalo. I se faiga alofa, e 'a'apa atu le Leoleo Mamoe i e pito sili le vaivai ma le mafatia, latou ua lē alofagia ma ua te'ea, latou ua inosia ona o ni tulaga fa'aletino; ae

AFOGA KATINALE JOHN DEW



UŌ PELEINA

Ou te fa'atalofa atu fa'atasi ai ma mo'omo'oga alofa mai Sepania. O lea ua tau fa'ai'u'ui aso o la'u savaliga ma o nei e taunu'u ai i Santiago de Compostella i se taimi le asō.

O nai aso ua tuana'i sa fa'amanatu mai ai o **"Malagasa o vae-i -luga -o le 'ele 'ele fa'aleagaga."** O nei aso ua fa'apenā mo a'u, ma ua tumu a'u i le fa'afetai ona o lenei avanoa. O taimi, oni fa'amanuiaga mo a'u, o nisi o taimi e faigatā, ae ua tumu i

a'oa'oga e uiga i le olaga. O se fa'amanatu sili lea mo a'u, e pei o le 2010 sa foliga mai ai le ala i luma e umi toe mamao. A vevela ma ua lagona le vaivai i le savali, pau le mea e fai o le savali i se televave e talafeagai ma e i'u lava ona taunu'u. Ua mau manatu ai fo'i a'u a foliga mai ua tele ni galuega e tatau ona fai, pe a i ai ni lu'itau ma ni faigatā o le mea e tatau ona fai o le fa'aaaua pea, mataitū i luma ma fuafua lelei le savali ma o na fa'afitauli ma lu'itau o le a mae'a lelei.

Ina ua ou savalia le Camino Falani i le valu o tausaga talu ai na

lafoina mai e se tagata le fa'amanuiaga lenei na tusia e Macrina Wiederkehr (o se tama'ita'isa o le ituaga o Pelenatete i Amerika). Ua ou fa'aogaina lenei tatalo i aso uma o lenei malagasa e pei o le 2010.

*Ia tuputupu a'e fuala'au mai le 'ele 'ele e pa'i i ai ou vae
Ia fa'amanuia i vae e savali i o'u luma la'asaga uma e te faia
Ia avea le tau e tāua o le tau o lou loto
Ia avea mea uma ua e fuafuaina aga i' atu i le finagalo o le Atua
Ia avea au tatalo o ni fuala'au e folasiasa mo isi malagasa
Ia maua e lou loto le uiga o ni mea e tutupu fa'afuse'i
Ia tauave oe i le ala e ni uō o lo'o tatalo mo oe
Ia e tauave i lou loto ni uō o lo'o tatalo mo oe
Ia fa'atamilo oe i le ala e le ta'amilosaga o le olaga
Ia ti'eti'e lenei lalolagi malepe i ou tau'au
Ia e tau'ave ou fiafīaga ma ou mafatiaga i le ato fa'afafa o lou agaga
Ia e manatua ta'amilosaga uma o tatalo i le lalolagi atoa.*

O lenei malagasa ua mautinoa lelei o se fa'amanuiaga mo a'u. O le asō ou te tatalo ai i le tu'ugamau a Sagato James.

Ma fa'amanuiaga uma lava

+ Ioane

SULUFAGA MO LENEI MASINA

2

maise i latou ua manatu ifo ua mamao atu i tua ma le tuā'oi o le alofa o le Atua. Ua toe aumai uma i latou i le Finagalo matala, le nofoaga o lo'o telē le avanoa mo tagata uma.

O nei mea uma ma nisi fa'aopopoga o lo'o i le Finagalo Pa'ia ua tatou fa'amanatuina i lenei masina: o se Finagalo e tatala pea, e vala'au mai pea, ma e sasa'a mai se alofa e leai se tuā'oi, e agamalū ma e moni.

"O AI LO'U TINĀ?"

I se taimi fa'apitoa a o faia le galuega tala'i a lo tatou Ali'i, sa o atu lona Tinā ma nisi o ona aiga iā te ia o tala'i atu i le motu o tagata. Ina ua fa'ailoa atu i ai o lo'o fia talanoa atu lona aiga iā te ia, sa ia fesili mai: O ai lo'u tinā ma o'u uso? Ona liliu atu lea i ona so'o ua fa'apea atu: O lo'u tina ma o'u uso ia. O ai se tasi e faia le finagalo o le Atua, o ia lea o lo'u uso ma lo'u tuafafine ma lo'u tinā.

O upu ia a Iesu na tali atu ai i lona Tinā na fuafuaina e fa'amatatala ai lo tatou va feagai ai ma ia i le fa'aleagaga, ae lē fa'amoemoe i se feso'ota'iga fa'aleaiga. O le mea tāua lava mo tatou o le faia lea o le finagalo o le Tamā. E malamalamā lelei Maria i lenei moni, ma upu a lona Alo ua fa'amausālī lona fa'anaunauga e avatu atoa o ia ma le alofa tele ina ia fa'ataunu'uina le finagalo o le Tamā e ui o lona uiga o le osigataulaga. O Maria la ua a'oa'o i tatou o le alofa moni mo le Atua le Tamā ma Iesu lona Alo e o fa'atasi pea ma le finagalo mamana.

O le sauniuni o Maria e avatu atoa o ia lava i le Ali'i o se fa'ailoga maoa'e lea i le taimi o le Fa'aaliga, ina ua tali atu i le fe'au a le agelu na folafola atu ai: *O a'u o le 'au'auna a le a Ali'i. Ia faia iā te a'u e pei ona e fai mai ai.*

E mafai ona tatou fa'apea a'e na ala mai i le tu'uina atu atoatoa e Maria o ia lava i lenā taimi o le Fa'aaliga na avea ai o ia ma o tatou fa'ata'ita'iga, lo tatou ta'iala ma lo tatou Tinā. O le Fono Aoao o le Vatikano Lua na fa'amamafa lenei moni ina ua a'oa'o mai: O le avea o Maria ma Tinā, o le kalasia na amata i lana ioe na avatu ma le fa'atuatua i le taimi o le Fa'aaliga ma sa ia talia e aunoa ma le fa'avaivai i lalo o le koluse. O lenei tofi Tinā o le a

tumau e o'o i le fa'avavau e aunoa ma se fa'alavelave se'ia o'o i le fa'ataunu'uina o mea uma na valo'ia...

O le Penetekoso na fa'amanatu ai le aso fanau a le Ekalesia ma amata aloa'ia ai le galuega tala'i a le 'au fa'atuatua. Ua talosaga mai Pope Faranisisi, ia tatou avatu le va'aiga i lē e ana le "ioe" na aumaia Iesu i le lalolagi ma na maua ai le Ekalesia: Maria, le tinā o Iesu ma le tinā o le Ekalesia.

O lana matafaioi o le fa'atasi ai lea ma le au so'o a o fa'atalitali le mea alofa o le Agaga Pa'ia na folafolaina mai e Iesu i lona afio a'e i le lagi, o le matafaioi tonu lea a tinā i olaga o aiga. O se tinā e fa'amaopopoa lelei aiga, e fesoasoani e fa'aleleia po'o le ā lava se mea o lo'o afaina ai le aiga po'o ni tagata o le aiga, o ia o lo'o i ai le 'oa o tala'aga e mafai e se aiga ona a'oa'o ma tuputupu ma femitai i o latou tala'aga, e lava onosa'i e fa'atalitali mo latou e faifaiaga po'o nisi o le aiga e vaivai i le mafaufau ma o le fatu atoa i mea e fa'amanatu a se aiga. Ia fa'amatosi'au mai Maria lo tatou Tinā ina ia tatou avatu la tatou "ioe" ma le mafanafana e pei ona ia avatu lana ioe.

O le alofa o le Ali'i e moni mo i tatou ta'ito'atasi... O lenei alofa e le fa'atua'ioia ma e maua fua, ma o lo'o va'aia manino lelei i le tele o 'aulala ua ia fa'amanuiaina ai i tatou. (*Sagato Ioane Paulo II*)

FAITAU LE TUSI PA'IA

. . . Iona, Mika, Nauma, Sapakuka
Ole Fili na Liliuina po'o na Fa'ato'ilaloina


O le tusi la'ititi a Iona e ao ona malamalamaina lelei lava o se fa'ata'oto, e pei o fa'ata'oto na fa'amatalaina e lo tatou Ali'i. E fa'aoga ni tala mananaia e momoli mai ai ni a'oa'oga tāua ma le matagofie e uiga i le alofa o le Atua. Ua tatou fa'alagologo i se perofeta Eperu o lē sa a'oa'o atu i tagata i Nineva, le 'a'ai o Auria, o lo'o ta'oto i le itu i sasa'e. O le mea muamua na fa'alo-goina o le sola 'ese, ma na ia fa'apea ona fa'atonu sona avanoa i luga o se va'a na fuafua mo Tarshish, e mamao tele atu i sisifo. Ae lē mafai ona e sola 'ese mai le Atua: po'o fea lava e te i ai, i le 'ele'ele po'o le sami, e i ai lava o ia. I se auala mālie moni lava, na toe fiti mai Iona i le matafaga o le Nu'u Pa'ia, ma na tomumu lava ma toe fo'i atu i Nineva. Pau le fe'au sa mafai ona manatu i ai o latou uma lava ua malaia, ae i lona ita tele i tagata o Nineva na talitonu: na salamō ma na maua le fa'aolataga. Na matuā ita Iona i le Atua, ma e tatau ona ia iloaina e manatu le Atua i mea uma na ia faia, ma e mana'o i tagata uma ia lavea'ia, e aunoa ma se mea na fa'ailoaina mai e uiga i ni manu.

O Mika e tu'u fa'atasia ma Isaia, ma na ia ta'ua fo'i Isaia ona ua ia a'oa'o atu le fe'au lava e tasi: o agasala a tagata ale Atua ua tele ua leai so latou aia tatau i le puipuiga a le Atua mai sauga a lo latou fili o Asuria, ae ui i lena ua fa'anaunau le Atua ina ia fa'amagalo i latou ma fa'afou i latou. Ua aumai e Mika se perofetaga ta'uta'ua e uiga ia Petele'ema, "e tupu mai ia te oe mo a'u o lē na te fai ma faipule ia Isaraelu" (5:2), ma na ia fa'ai'u i se toe fa'amafanafanaga o le alofa: O ai se Atua e tusa ma oe o le fa'amāgalo agasala, ina ua lē manatua solitulafono a ē o totoe o lona toff?" (7: 8).

3

SAGATO EFEREMO

TIAKONO MA LE FOMA'I (306 – 373)



O le fai solo, faia'oga, fai lauga ma lē e puipuia le fa'atuatua. Pau ai lea o se Suria ua ta'ua o se foma'i a le Ekalesia. Sa tauave lava e ia le matafaioi fa'apitoa o le tete'e atu i a'oa'oga pepelo sa ola tele i lona vaitaimi, sa maumaututū lona fa'amaoni e puipuia ma le malosi le Ekalesia Katoliko.

Sa fanau i Nisibis, Mesopotania, ma papatisoina o ia o se ali'i talavou ma na ta'uta'ua o se faia'oga i le 'a'ai na fanau ai. Ina ua tu'uina atu e le ta'ita'i Kerisiano le a'ai o Nisibis i le 'au Peresia, o Efereo

mo fa'apea le toatele o Kerisiano, na sosola o ni tagata sulufa'i i Edessa. Ua tua'i iā ia le mamalu tele na mauaina e le a'oga Tusi Pa'ia i lena nofoaga. Na fa'au'uina o ia ma Tiakono ae sa le mana'o e avea ma ositaulaga (ma na fai mai le tala sa taumafai e 'alo 'ese mai fa'au'uga i le fa'atanā valea!).

O Nauma i le tele o 'aula e 'ese mai ai i le tele o perofeta: o ana tusitusiga o ni malomaloā ua le motusia aga'i ia Asuria, tu'ua'ia le leaga ma le fa'asauā ua tele ai le pologa i tele o nu'u ua mafatia ai. E tele le alofa mo Iuta ma Isaraelu, ae leai lea mo Asuria: "e le'i ave'esea e le Ali'i le agasala." E masalomia lea vaega ina ua fesiligia e Sagato Setefano, "O ai se, o le 'au perofeta e le'i sauā i ai o outou tamā?" ma o le tali fa'atauvā'a lava o "Nauma."

O Sapakuka sa tu mo latou na fa'asauāina, "o le a le umi ou te tagi atu ai mo se fesoasoani?" O le taimi la lenei, o Papelonia o le fili, fa'asolo atoa i nu'u uma ma fa'aleaga. O tagata ua tagi mai mo se fesoasoani, ma fa'ailoa mai ai o latou fo'i ua agasala, ma o le fili ua sau e fa'ao'o mai le togisala. Ae o le perofeta, e pei o le leoleopo i luga o lana olo, ua va'ai atu i le mamao ma iloa atu ai se fesoasoani ua sau, o le fili o le a fa'ato'ilaloina, "o le amiontonu e le ola i lona fa'atuatua." O le mataupu mulimuli o se salamō fa'asauniga, ua patipatia le sau o le Atua e fesoasoani i ona tagata, o lana manumalō ua fa'ata'ape ai le fili. Na fa'auma i le mamalu, "Ou te olioli lava i le Ali'i, ou te fiafia lava i le Atua o lo'u fa'aolataga."

Sa matuā mata'utia lana tusi tala ma o nei tusitusiga o lo'o atagia mai ai lona pa'iaga. E ui e le o se tagata atamai fa'asikolasipi, o ana galuega o lo'o atagia mai ai lona atamai ma le loloto o ona mantunatuga i le Tusi Pa'ia. I lana tusitusiga i misitelio o le fa'aolataga o le tagata, sa ia fa'ailoa ai le moni ma le agalelei o le agaga fa'aletagata ma le fa'alagologo tele i le tagata o Iesu ma Maria. Fai mai o lana tala ile Fa'amasinoga Mulimuli na fa'aosofaina ai se tasi o tusi ata, o Dante.

E ofo ai i le faitau atu sa ia tusia ni pese lotu e tete'e atu ai i le fa'apaupau o na aso. Sa masani ona ia fa'aogaina ni pese mai na vaega fa'apaupau, fa'aogā a latou fati, e tusia ai ni pese ua tu'u i ai a'oa'oga Kerisiano o na vaitau. O Eferemo o se tasi na mua'i fa'aofina maia pese i tapua'iga fai tele a le Ekalesia o se 'aula o ni fa'afeiloa'iga mo le 'au fa'atuatua. O le tele o ana pese ua ave i ai le fa'aupuga "O le Vaiolini a le Agaga Pa'ia"

Sa fiafia i se olaga tigaina ma le fa'atauvā'a, na nofo ise āna ma va'ai atu ai i le taulaga o Edessa. O i'ina na maliu ai pe tusa ma le tausaga e 373. **SAGATO EFEREMO**

O le Fa'avae Moni a le Ekalesia o Iesu Keriso le Ali'i

Sulufaga o Sagato Peteru ma Paulo – 29 Iuni

I nai taimi ua tuana'i sa fetogia'i solo le ekalesia i matagi ma afā o fa'afitaui. E le tasi se afā – e tele afā. E le na o le tasi se atunu'u – tele o atunu'u. Sa avea ma mata'itū o fa'asauaga mamaafa ma le tigā, ae sa fa'atagaina fo'i le leaga e fa'aleagaina ai mai i totonus. O a lava ni fa'aletonu ma ni tu ta'uvalea sa tu'ua'ia ai, o olaga o le to'atele ua fa'aititia, lo latou loto mafanafana ua fa'aletonu, ma lo latou fa'atutaua ua fesiligia ma su'esu'eina.

E aunoa ma le tau fa'aititia o tatou tauiviga i mataupu o lo'o tutupu nei, e ao ona tatou manatuina e le fou i le ekalesia ni fa'amasinoga ma tu'ua'iga matuiā. Mai lava i lona amataga sa feagai ma taufafai ma le te'ena. O le faiatuga muamua mo lenei sulufaga ua fa'amatala ai se tulaga fa'apenei. Na fasiotia e Herota ia Iakopo, le ta'ita'i o le ekalesia i Ierusalem. O le tusitala o le Galuega a le Au Apostolo na fa'ailoa maia lenei i le ta'u atu i le au faiatua na fiafia ai fili o le ekalesia anamua. O le lagolagoina o nei tagata na fa'aosofaina ai Herota e sāsai Peteru, le Peteru lava lenei sa fa'afiti e iloaina Iesu. O nisi o taimi tatou te mafaufau po'o le ā se tele o le sao a mataupu fa'aupufai na lagolagoina ai le olaola o le fa'asauaga. Tatou te manatu fo'i pe na iai ma pe na fa'apefea ona faia se lagolagosua a le ekalesia i le toe fatalaina mai o Peteru mai le falepuipui.

E ui i lona fa'amasinoina, na sao mai lava le ekalesia i le lē malamalamaina, te'ea e o'o lava i fa'asauaga. Ua fa'ailoa mai e le tala fa'asolopito e pei e sili atu le ola i taimi o sauaga. E le fa'apea la ona o le malosi ma le pa'iaga o ona tagata. E ui na fai atu Iesu ia Peteru o luga o ia e atia'e ai le ekalesia, ae e i ai se pese ta'uta'ua ua fa'amanatu mai ai ia i tatou o le fa'avae (moni) a le 'ekalesia' o Iesu Keriso lona Ali'i. O ia na fa'apa'iaina Peteru, o ia na tu'uina i le ekalesia lana puipuiga. O ia sa tu i 'autafa o Paulo ma avatu i ai le malosi e momoli mai ai le talalelei i le lalolagi atoa. Atonu sa fausia le ekalesia i luga o Peteru o lē sa fa'afiti ia Iesu, ma sa fa'asalalau e Paulo, o le sa fa'asauā i le ekalesia, ae o le ekalesia a Iesu Keriso e ola pea ona o lana folafolaga.

Tatou te maofa ile suiga o nei ta'ita'i vaivai i taimi ua tuana'i. Ae a tatou faiatua i fuaipu mai le Galuega a Apostolo, o le taumaūga fou a Peteru i lona Ali'i fa'apea le ekalesia fa'atoā fuafua na mafua ai lona falepuipui. O le so'otaga a le ekalesia ia te ia ua va'aia ia latou tatalo na momoli i le Atua mo ia. Ua le toe i ai se Peteru ulu malō, ma ua suia e sē ua tu'uina atu o ia lava e ta'ita'i a e "agelu a le Ali'i." E ui na lavea'ia Pateru, ae na toe pu'eina o ia ma na i'u ai lava ona fasiotia. O le tau lenā o lana taumaūga i le

Ali'i.

O Paulo fo'i sa falepuipui. Sa le va'ai o ia i lona falepuipui o se solomuli i tua, ae o le taunu'uga mo ia ona o lona taumaūga i le tala lelei. E le gata i lea sa fiafia Paulo i lona puapuagatia ona i taimi o lana 'au'aunaga ma lana tala'iga sa ia maua mai le Ali'i le malosi sa ia mana'omia. O lenei ina ua "sasa'a atu e pei o se faiatulaga i le Atua" sa feiloa'i atu i le oti, ma sa ia iloaina lelei lava. Ae sa mafana lava e auina mai o ia e le Atua i le "saogalemū i lona aiga i le lagi."

O le masina nei fo'i la tatou te patipatia ai le usita'i ma le fa'atutaua o nei ali'i, sa agasala e pei o tatou uma. Ina ua salamō i la'ua, na fa'amagaloina i la'ua e le Atua ma le ekalesia. E ui na fa'asauaina, o lo la'ua taumaūga ia Keriso ma le ekalesia ua avea ai o la'ua ma toa. O le a le mafua'aga o lo la'ua malosi'aga. Ua tatou maua le tali mai le evagelia.

O ai lenei Iesu, o ana upu ma galuega na taofiofia e latou sa mulimuli atu i ai ma fa'aosofaina ai i latou e fa'atutaua atu i ai? O le fesili lea na fesiligia lava e Iesu lava ia: "pe se a le upu a tagata i le Atali'i o le tagata, po o ai?" Po o ia o le a'oa'o sili o Ioane le Papatiso ua toe tu mai le oti? Po o ia o Elia sa fa'atalitali lona toe fo'i mai ae le'i malama le aso o le fa'aolataga? Po o ia o se perofeta? Aiseā na latou manatu ai o ia o se tagata mai le taimi ua tuana'i ae lē mai le lumanā'i? E pei ona fa'amatala e le evagelia, "Ona tali mai ai lea o Simona Peteru ua fa'apea mai, "O oe o le Keriso, o le Alo o le Atua soifua." Ma e fa'apefea ona iloa e Peteru lenei mea? "E lē o se tagata na ia fa'aali atu ai iā te oe, a o lo'u Tamā o i le lagi."

O lea ua tatou toe maitauina le va'ai mamao ma le malosi a le ekalesia e le sau mai na o ona tagata, ae mai le Atua. Sa fa'avaeina le ekalesia i luga o se tagata e le'i fa'atutauina e pei o Peteru, ma o lana misiona i le lalolagi o le 'au fa'apaupau sa tu'uina atu le fa'atutauaga i se Iutaia malōvale e pei o Paulo. Afai o faiatoto'a o ifeli e le'i sili atu lona malosi i le ekalesia i taimi na vevesi ai i le amataga, fa'apea taimi o le leaga ma le fa'asauaga, ua manino lelei, ma, e lē mafai lava ona manumalō i nei aso.

O LE AMATAGA O SAKALAMETA KERISIANO

E leai se molimau autu na tu'ua e Iesu ona so'o ma ni sauniga sakalameta ua uma ona fa'amautu ma atoatoa. Ae ui i lea ua tatou iloaina sa masani Iesu ma ona so'o i fa'ailoga ma fa'atusa a le pa'iaga ma misitelio. Ona o latou o ni Iutaia sa talitonu na tautala mai le Atua ia i latou i tagata ma mea na tutupu. Mulimuli mai i le fa'aleagaina o Ierusalem i le 70 CE, e ui i lea, sa vavae 'ese mai Kerisiano mai o latou fa'apogai Iutaia ma avea ma Eleni i le gagana ma aganu'u.

E o'o atu i le taimi na salalau atu ai le talitonuga Kerisiano i le lalolagi Eleni ma Roma, o atua ma sauniga pa'ia a Eleni ma Roma ua le toe malosi mo i latou sa fa'anaunau mo uiga loloto

ma ni tali e fa'amalieina ai e uiga i fesili tau i le ola ma le oti. O nei fa'anaunaga sa latou sa'ili i 'talitonuga misitelio' sa olaola i lenā vaitaimi. O se mea masani i nei talitonuga o le misitelio (*mysterion*) o se upu Eleni o lona uiga o se mea o lo'o natia po'o se mea lilo. O le misitelio o se sauniga pa'ia o lo'o aumai ai fa'a-fa'ailoga le tala'aga o se atua po'o ni atua ma fa'ailoa mai ai lona uiga. E ui e le'i fa'aogaina e Kerisiano faiga a nei tagata, ae sa latou fa'aogaina le upu na fa'aogā mo nei sauniga ma o le upu 'misitelio' na avea ma vaega o le gagana Kerisiano.

O Ulua'i Fa'apotopotoga Kerisiano

O LE AMATAGA O SAKALAMETA KERISIANO

O ni ulua'i fa'amaumauga tusitusia a fa'apopototoga Kerisiano o tusi na tusia e Sagato Paulo i ekalesia 'ese'ese i le va o le 50 – 65 CE. E ui o nei tusi o lo'o ta'ua ai ni fa'atinoina o sakalameta 'ese'ese, e pei o le papatisoga, o le fa'ae'eina o lima ma le Tausama'aga Mulinuli a le Ali'i, ae leai se upu e tasi pe laua'itele sa fa'aoga e a'afia ai nei mea uma. O le upu misitelio ma le sakalameta ile Feagaiga Fou e le'i fa'auigaina e nei sauniga.

O nei gaioiga sa telē se a'afiaga. E ala i le mea 'ai sa fa'asoa e nei Kerisiano anamua sa latou fa'alogoina se tasi'aga ma le Ali'i fa'apea le tasi ma le isi (1 Korinito 10: 16 – 17). Sa i ai sauniga mo le fa'aulufale, sa fa'aulufale mai ai Kerisiano fou i le vai ma le suau'u ma le fa'ae'e o lima. O le papatisoga, e pei ona iloa ai, sa fa'alalia ai le taliaina o le fe'au a le evagelia ma le fa'atasiga ma le maliu ma le toetu a Keriso, na ala ai lo latou oti mai le olaga tuai ma toe fanau fouina ina ia ola i se auala fou. I se isi fa'aupuga, o nei gai-oiga o ni fa'asakalametaina.

Fai mai se tasi o a'oa'o o le fa'ae'e o lima o se sauniga fa'asakalameta maoa'e lea i le ekalesia anamua. E i ai le malosi'aga o lenei sauniga, e le gata i lē ua talia ae fa'apea fo'i lē o lo'o avatua. O le talitonuga o se gaioiga fa'asakalameta, ona o se fa'ailoga o se mea e le mafai ona va'aia, o le Agaga o lo'o "sasa'a atu" i luga o se tagata.

O lenei vaitau pu'upu'u i le tala'aga o sakalameta Kerisiano e tāua tele mo le malamalama'aga o le tuputupu a'c talu ai nei o la latou telosia ma le galuega fai. E ao fo'i ona tatou maitauina:

Muamua, o faitauga mai le Tusi Pa'ia e masani o fa'amatalaga o sauniga masani. O latou sa tusitusia e leai se malamalama'aga i mataupu silisili (telosia) e fa'amatala ai mea sa latou o'o i ai.

Lua, o a latou fa'amatalaga, o lo'o felanulanua'i īā latou fa'auigaina o mea na tutupu.

I le toe fo'i i tua i le amataga, ua toe maua mai ai e le Ekalesia o uiga atoatoa o sakalameta autū o le fa'aulufale: papatisoga, kofilimasio ma le Eukalisitia; ma ua malamalama i le tāua o le 'au ai o i latou uma ua a'afia ma le fa'aaloologia mo le 'au ai.

"IA VI'IA OE" (LAUDATO SI' – POPE FALANISISI)

5

V. TULAGA LĒTUTUSA A LE LALOLAGI

48. O le si'osi'omaga o le tagata ma le natura e taēa fa'atasi le fa'aleagaina; e le mafai ona talafeagai le latou tauivi i to'ilalo o le siosiomaga sei vagana ua latou ola i mafua'aga e a'afia ai le fa'aleagaina o tagata ma fa'alapototoga lautele. O le mea moni, o le fa'aleagaina o le si'osi'omaga ma le sosaiete e a'afia ai foi tagata sili ona vaivai i luga o le paneta: "O feau i aso ta'itasi ma su'esu'ega fa'asainenitisi ua fa'aalia ai ia a'afiaga ogaoga o osofa'iga uma o le siosiomaga ua mafatia ai ē pito i matitiva." Mo se fa'ata'ita'iga, o le to'esea o nofoaga fa'asao mo faigafaiva e fa'apito le a'afiaga o faigafaiva i nu'u laiti e aunoa ma se auala e suia ai tamaoaiga; le fa'aleagaina o le suāvai aemaise le a'afiaga o tagata matitiva e le mafai ona fa'atau faguvai; ma le si'isi'i maualuga o le fogātai e masani ona afaina ai tagata matitiva e nonofo i gataifale e leai se isi mea e sulu i ai. O le a'afiaga o le lētutusa o lo'o i ai nei o lo'o va'aia foi i le ola fa'imoto o le toatele o tagata matitiva, i fete'ena'iga e mafua mai i le lē lava o tamaoaiga, ma i so'o se numera o isi fa'afitauali e le'o lava fa'aalia i luga o lisi o mataupu a le

lalolagi.

49. E tatau ona ta'utino, i le tele o taimi, e itiiti lava le auala e manino lelei ai le maitauina o fa'afitauali e tupito i a'afiaga o i latou e fa'aesea. Ae o i latou ia e pito i to'atele le aofa'i-ga i le fatali aofa'i o le paneta, le piliona o tagata. O nei aso, e tā'ua i latou i polokiki fa'ava-o-malo ma fa'atalanoaga o tamaoaiga, ae masani ai pe fa'atasi ona fa'aalia se manatu i o latou fa'afitauali, e lagā e pei o se manatu fa'aopoopo, pei o se fesili fa'aopoopo e toeitiiti lava a leai sona taimi e fa'aali ai, pei o se mataupu taufa'apipi'i, e le togafitiae pei o se manu'a faitele. O le mea moni, pe a uma ona fa'atalanoa ma faia mea uma, e masani ona teu i le pito i lalo o le fa'aputuga o fa'aiuga. O le mea moni, e mafua mai i le toatele o polōfesa, tagata fai manatu, feso'ota'iga a le aufa'asālalau ma nofoaga tutotonu o pulega, o lo'o i totonu o a'ai mauoloa, e mamao ese mai e matitiva, ma e itiiti se t

O MAREKO I FAITAUGA

I LE ASO Sa 17 o Iuni e toe fo'i ai i tua le Ekalesia i se faitau ga fa'aauau – pe na o se ‘afa o le evagelia a Mareko i lenei tausaga B o le faituga fa’asolo i aso Sa. Mai le aso Sa sefulustasi taimi masani aga’i atu i le aso Sa tolusefulu tolu taimi masani, o le a tatou fa’alogologo ai i se vaega ua filifilia lelei mai lenei evagelia, le ulua’i fa’amatalaga tusitusia o le galuega tala’i a Iesu, lona maliu ma lona toetū. O se vaega maitauina, mai le aso Sa sefulufitu aga’i atu i le aso Sa luasefulutasi, o faitauga e mai le mataupu lona ono a le evagelia a Ioane.

I le tausaga 1896 sa lauiloa ai se fa’amatalaga a le ali’i o Martin Kähler o le evagelia a Mareko o se tala o le pasio ma se ululala fa’aoopo. Ae o le mea moni lava e tu’u e Mareko ni mataupu ‘tāua o le pasio’ e tovā ai vaega tūua o ana tusitusiga. O le ogatotonu o le evagelia – i le fa’atulagaina o tusitusiga ma le nofoaga – o le ‘vaega o le ala’ (8: 22 – 10.52), o se vaega sa faia ma le fa’aeeteetua a’afia ai a’oa’oga a Iesu e uiga i lona puapuagā ma lona maliu, e fa’apea ana fa’atonuga iā i latou na mulimuli iā te ia pe fa’apefearna ona fa’amafanafana ma fesoasoani i latou lava a o aga’i i le ala.’ O tusi faitau ua au-maia ni faitauga e fitu mai vaega e tāua tele. O nei tusi faitau o lo’o i ai ni fa’ata’ita’iga o fa’apupuga uigā a Mareko ma ni auala lu’itau, le aumaia o le tala e uiga ia Iesu ma mea e aogā ile fa’aso’oina. O nisi ia o palakalafa ua aumaia ni sini autū ma tagāvai e ao i fai lauga ma a’oa’o ona mataitū i ai pe a saunium e folafola ma fa’amatala lenei evagelia ua mana’omia e le au faitau ma le au fa’alogologo.

O le Keriso a Mareko

6

O upu amata a le evagelia a Mareko ua fa’ailoa mai ai Iesu o le Mesia ma le Alo o le Atua (1:1). Ua folafola ma fa’ailoa e Iesu le malō o le Atua (1:15) e ala i ana a’oa’oga, pule ma galuega matagofie (1: 21 – 28). Ioe o le ‘afa muamua o le evagelia ua fa’ailoaina mai ai Iesu o se tagata e i ai le mana, o lē ua au-maia le malo o le Atua i le noanoatia o le ‘tagata malosi,’ Sata-ni (3: 27). O le malosi mamana o lo’o galue iā Iesu ma e ala mai ia Iesu na ia vavao le malosi loulouā fa’anatura (4:35 – 41), le mata’utia ma le a’afiaga leaga a le temonio (5: 1 – 20), le mau o le u’u o fa’ama’i ua leai ni togafitiga e o’o lava i le pa’i mai o le oti (5: 25 – 34, 35-43). O le malosi o galuega a Iesu ua fa’atino mai e lona agalelei mamana i foliga o puapuagatia (1.40 0 45) ma le fia ‘ai (6: 34; 8:2).

Ae ui i lea ua fa’ooga e Mareko ni manatu se lua ua galue e fa’ailoa ai le tagata o Iesu o le Alo o le Atua ma le Mesia o lo’o a’afia atu i le tele o isi galuega i lo na o galuega fa’afatonuga. O le tasi o tagavai o le ‘mea lilo fa’amesia.’ Ina ua tuli ‘ese e Iesu temoni, sa ia vavao atu ma le malosi e ‘aua ne’i fa’alia o ia (1: 34; 3: 12). E le gata i lea e masani ia Iesu ona vavao atu i latou sa ia fa’amaloloina, fa’apea i latou sa molimaunina lona mana lavea’i, e ‘aua ne’i ta’ua atua i nisi (1: 43; 7: 36). O le a le mea o lo’o tupu nei? O lo’o fa’aeeteetua Mareko ina ne’i le lava le malamalamāaga i le uiga o Iesu o ia o le Mesia. O se mataupu o lo’o tatou ālo atu tatou te toe fo’i i ai, o le fa’ailoaina o Iesu ma lana galuega e le o malamalamaina atoatoa se’ilogata tatou te talisapaia le mau o ia o le Mesia e puapuagatia.

O le Fa’atasia ai ma Iesu

O se vaega uiga ‘ese o le fa’amatalaga a Mareko le vala’auina e Iesu o le to’asefululua, o le fa’aliga na ia tofiaina i latou, muamua ma le tāua, ina ia ‘fa’atasi ma ia’ (3: 14). O le ‘fa’atasi ai’ ma Iesu o se vaega autū lea o le fa’aso’oina, e muamua atu i le auina atu e tala’i ma fa’amalōlō. ‘Fa’atasi ai ma Iesu’ e a’afia ai le fa’alogo i ana fa’amatalaga, va’ai i mea na te faia, fa’atupula’ia le va mafana ma ia, ma tatala atu lou tagata i le

mafua’aga o le malosi mamana e auina atu ai mo le galuega a le tala lelei. O nei vaega uma o lo’o fa’ailoa mai i se tulaga o le fa’amatalaina, ona toe tolu mataupu e le’i auina atu lava le ‘au so’o (6: 7 – 13). I le va o le vala’auina ma le auina atu o le ‘au so’o o ni fa’ata’oto ua tu’u fa’atasia (4: 1 – 34) ma ni vaega o ana galuega maoa’e (4: 35 – 41). O a mea na a’oa’oina mai e le ‘au so’o i le fa’alogologo i a’oa’oga a Iesu? O lo’o a’afia mai ai ni fa’ata’oto se lua i tusi faitau e uiga i le malō o le Atua, e a’afia ai Saito e Tutupu a’e (4: 26-29), o se fa’ata’oto na o le evagelia a Mareko e maua ai. O lo’o fa’aalalia mai e le fa’ata’oto o le Atua o ia lea e fa’atupua ma fa’amatuina le malō na fa’avaeina e Iesu. O le fe’au e le gata e agamaualalo – o so’o ia faia mea e tele – ma fa’amafanafana, ona o le Atua e fa’amaninoina le tuputupu a’e ma le atoatoa o le seleselega. O fa’ata’oto nei, le fa’ata’oto o le Fua o le Sinapi (4: 30 – 32), e fa’amalo-si’au iā i latou ua vala’auina e Iesu ina ia onosa’i i galuega fai mo le malō. E pei ona va’ia (o le fatu e ititi lava) o le atoaga o le malō o le Atua o le a sili atu lea i lo manatu ma fa’amoe-moega a le tagata.

Ma, o a mea na a’oa’o mai e le ‘au so’o i le va’ava’ai i galuega a Iesu? Ua aumai e tusi faitau tala o Iesu na fa’amaloloina le fafine e ma’i i le puna toto ma le toe fa’atuna o le afafine a Iairo mai le oti (5: 21 – 43). E fatufatu e Mareko se tasi o tala i luiga o le isi tala, o se faiga e fiafia o ia e fa’atino. O le a’afiaga o lenei faiga e fa’amatala ma fa’auiga e le isi tala le isi. O lea ua tatou va’ia Iesu ua a’apa atu i le ali’i e mau ‘oa toe lelei lona tulaga (Iairo) i se fafine e le’i ta’ua lona igoa ua fa’aleagaina o ia e le ma’i ma te’ea o ia e tagata (ona e lē mamā). O le agalelei a Iesu mo tagata *uma lava*, e o’o lava e solia ai tapu o aganu’u ma fa’alelotu (e pei o le fa’atagaina ona pa’i atu le fafine ia te ia, ma le tago atu i le lima o le tino oti).

O le tāua o le ‘fa’atasi ai’ ma Iesu ua fa’amalosia lea i le a’afiaga o Mareko 6: 30 – 34 i le fa’asologa o faitauga. O le vaega lea o le toe fo’i mai o le to’asefulu ma le lua mai la latou tala’iga sa taumafai atu i ai. Na vala’auina e Iesu i latou ina ia o mai ma ia i se nofoaga tu’ufua e leai nisi e nonofo ai, mo se faigamalologa ma tatalo. O le faitauga lava lea o lo’o ta’ua maia o le ‘fa’atasi ai’ ma Iesu e a’afia ai le faoa o lona agalelei mo isi ma tu’uina atu ia i latou le malosi’aga e fa’asoai i lana ‘au’ aunaga fa’aleoleo mamoe. (*fa’aaauau atu i lomiga i luma*)

O TULAFONO A LE ATUA

E FA'ASA'OLOTOINA AI OE

O POLOA'IGA

O poloaiga e sefulu na tu'uina ia Mose o se vaega o le feagaiga na faia e le Atua ma tagata Israel, ina ua folafolaina e le Atua e avea i latou ma ona tagata ae na te puipuia i latou, pe afai latou te mulimuli i ana poloa'iga. Fai mai Sagato Ireneaus e ala mai i Poloa'iga, "Na tapena e le Atua le tagata e avea ma ana uō ma ia ola lelei ma ona tuā'oi." O ni fa'amatalaga o tulafono fa'anatura, ua totō i tatou loto e le Atua. Ua tatou iloaina e lelei mo tatou ma le lalolagi atoa.

O le Finagalo o le Atua

Ina ua fesiliglia Iesu po'o lefea le poloa'iga e sili le tāua, sa ia tali i ni fa'aupuga se lua, "Ia e alofa i lou Ali'i lou Atua ma lou loto atoa ma lou agaga atoa ma lou manatu atoa" ma "Ia e alofa atu i lou tuā'oi e pei o 'oe lava". O Poloa'iga o se 'aulala lea ua fa'aali mai ai e le Atua le 'aulala e mana'o tatou te ola ai. "O ni vaega o lo'o fa'aali mai ai e le Atua o ia lava ma Lona mamalu. O Poloa'iga o se mea alofa a le Atua lava ia ma lona Finagalo. I le fa'ailoaina mai o lona Finagalo, ua fa'aalia mai ai fo'i e le Atua o ia lava i ona tagata (Kapite Eklesia Katoliko 2059).

O le Lē malamalama

A tatou lē malamalama i Poloa'iga i o latou ala sa'o ua i ai se manatu e saisaitia ma taofiofi i o tatou sa'olotoga, ona ua tele tulafono ma tu'utu'uga e tatau ona mulimulita'i i ai. Atonu tatou te va'aia ni uō e le tausisi i Poloa'iga a le Atua ma e foliga mai e fiafia atu i lo o tatou; a o tatou tauivi e mulimulita'i ma tausi i poloa'iga ma tete'e atu i fa'aosoosoga.

O le Lesona

E i ai taimi ua tatou taumafai ai e nofo to'atasi ma tatalo. Ae e ao ona manatua e lē o Poloa'iga lava latou o le fa'afitaui ae o le manatu pe ua tatou sauniuni e talia atoatoa ma le fiafia ma le fa'afetai.

Lu'itau

A o tatou talavou, tatou te le manana'o i ni tulafono e lu'itau ai i tatou. E le gata e lu'i tatou e Poloa'iga, ae fesiliglia ma fa'amasino i tatou. O tulafono a le Atua e le'i faia ina ia saisaitia, o lona uiga ina ia maua le ola. A tatou agasala, e maua i tatou i se manatu sesē o le sa'olotoga, ma e faigofie ai lava ona avea ma pologa i le agasala. Atonu e manatu e leai se mea e maua i le mulimulita'i i Poloa'iga, ae o le moni tatou te maua mai ai vituti, onosa'i ma le sa'olotoga.

O Sē e Fesoasoani

Sa silafia e Iesu tatou te lē mafaia ona tausi i Poloa'iga na o tatou, o le mafua'aga lea na ia folafola mai ai le Agaga Pa'ia e ta'ita'ia ma fesoasoani iā i tatou. Fai mai o ia, "Afai tou te alolofa mai iā te a'u, ia outou tausi mai i a'u poloa'iga. Ou te fai atu fo'i i le Tamā, ona foa'i mai ai lea e ia iā te outou le tasi Fesoasoani, ina ia tumau pea o ia iā te outou e fa'avavau." (Ioane 14: 15 – 16). A o'o loa ona fa'aosoosoina pe tatou te 'amusia i latou e le o olaina ni olaga lelei, ona tatou talosaga atu lea i le Agaga Pa'ia e fa'amalosi i tatou i o tatou vaivaiga.

Fua mai ni Fua

Fai mai Iesu: "O a'u nei o le vine moni, o la outou. O lē

tumau iā te a'u, ma a'u iā te ia, o ia lava e fua tele mai; auā e lē mafaia e outou ona fai se mea e tasi pe a a'u lē i ai" (Ioane 15: 5). A tatou talitonu iā Iesu Keriso, talia Sakalameta ma tausi ana Poloa'iga, o Iesu lava ia e sau e alofa, iā i tatou ma ala iā i tatou. "O la'u poloa'iga lenei, ia outou fealaofani, pei ona ou alofa atu iā te outou" (Ioane 15: 12).

Fa'ailogia i Auala

I taimi na tatou a'oa'o ai le aveina o ta'avale, tatou te va'ava'ai pea mo fa'ailogia i auala e ta'u maia le isi vaega o lo'o i luma atu. A aunoa ma fa'ailogia ma fa'asino ala o le a tutupu ni fa'afitaui i luga o ala tetele. Tatou te filifili ina ia usita'i i tulafono o le 'aulala ona tatou te manana'o ina ia saogalemū ma ia mulimulita'i tulafono e maua ai le sa'olotoga e malaga ai. O Poloa'iga ua fa'apei o fa'ailogia i 'aulala tetele e ta'ita'ia i tatou i le lagi.

Ola i le Atoaga

O tulafono a le Atua na fuafuaina e fa'asa'olotoina ai i tatou ma ia mafai ai ona tatou ola i o tatou olaga i se sa'olotoga ma le alofa. A tatou fa'ataua se masini fou e sau ai ma fa'atonuga pe fa'apefea ona galueina lenei masini. E fesoasoani lea ina ia fa'aoga sa'o ae aua ne'i leaga. E fa'apea fo'i Poloa'iga e fesoasoani ina ia tatou olaina o tatou olaga na fuafuaina lelei ma aumai e le Atua, ina ia lelei ma ola ai i lona atoaga.

O se fa'amanatu mo tatou lava po'o a Poloa'iga e Sefulu

O a'u ole Alii; aua e te fai ni atua ese i o'u luma; aua e te gaosia se fa'atusa e atua i ai ma auauna atu i ai. Aua e te ta'u fua le suafa o le Ali'i, lou Atua.

Ia e manatu ona tausi lelei le Aso o le Ali'i.

Ia e fa'aaloalo i lou tamā ma lou tinā, ina ia fa'aleleva ai lou olaga nei.

Aua e te fasioti tagata

Aua e te mulilua.

Aua e te gaoi.

Aua e te molimau pepelo i se tasi tagata

Aua e te mana'o i le avā a se tasi tagata

Aua e te manumanu i oloa a se tasi tagata

MO TINA UMA A LE MATAGALUEGA

SAGOLEGOLE

FAITAUGA MO LE MASINA ME 2018

FAITAUGA MO LE MASINA ME 2018

ASO 3 IUNI ASO SA O LE TINO MA LE TOTO O KERISO: ‘CORPUS CHRISTI’

Faitauga muamua: Esoto 24: 3 – 8. Matua: Fa’auta o le toto o le feagaiga ua osia e le Ali’i ma outou.

Salomo: 116: 12 – 13 (tali), 15 – 16 (tali), 17 – 18 (tali). Tali: ‘Ou te ava’e le ipu o le olataga, ma ‘ou vala’au atu i le suafa o le Ali’i

Faitauga lona lua: Eperu 9: 11 – 15. Matua: E fa’amamāina o outou loto fuatia ifo i le toto o Keriso.

Aleluia, Aleluia... O a’u le areto ola na ifo mai le lag; pe a ‘ai se tasi i lenei areto, ona ola ai lea o ia e fa’avavau... Aleluia.

Evagelia: Mareko 14: 12 – 16, 22 – 26. Matua: O lo’u tino lenei. O lo’u toto lenei.

Tofitofiga o le Upu:

O le tausaga ‘B’ e aumai ai iā i tatou se autū i le toto a Keriso i faitauga o lenei sulufaga. Atonu e to’atele e fa’alēlelei i le va’ai atu i le toto, po’o le talanoa i le toto, ae o lona tāua i aganu’u o feagaiga i le Tusi Pa’ia e faigata ona fa’avasega. O faitauga mai le Esoto ma Eperu o nisi ia o vaega mai le tusi e talanoa mai i toto o faiga taulaga. O le masani o le Tulafono e uiga i le fa’amasāaina o le toto ma faiga taulaga o lo’o aumai ai le malamalamā’aga o le toto o le malosi o le ola , o le ola lea o se manu po’o se tagata ma o i o lo’o i le fatu o le faitaulaga i Kalevalio, o le toto o le tama’i mamoe e leai se agasala na ofoina atu mo agasala a le lalolagi. Ina ua lūlū atu e Mose le toto o le faigataulaga i tagata o inā na fusia ai tagata ile Feagaiga na faia e le Atua ma i latou. O le toto ole faigataulaga a le Feagaiga Fou e ‘ese fo’i lona fa’atulagaina e pei ona fai mai le tusi tala a le Tusi ia Eperu, ona o se faigataulaga ua atoatoa lona fa’atinoina, o se faigataulaga e fa’atasi mo faigataulaga uma lava ma o le faigataulaga e le gata e fa’amamā atu ai i faso olaga o tagata na osia ai mo latou lenei taulaga, ae na fa’amagalo ai a latou agasala. O le natura manino lea ole faigataulaga a Keriso – le manino o le malosi o le toto o Keriso ua maua ai le ‘ese’esega. O se feagaiga e fa’avavau, e ta’ita’i atu ai i se foa’i e fa’avavau. E masani ia Mareko e pupu’u fa’amatatalaga i mea faia e Iesu, i lana tala ole Tausama’aga Mulimuli o lo’o fa’amamafa ai e Mareko le toto o le feagaiga ua fa’amaligiina mo le to’atele. O le ‘au ai i le Eukalisitia e le na o se manatu tau i mea’ai ma le mea inu, ae ‘au ai i le faigataulaga, o lo’o i ai le toto o lē na fasiotia e fa’aoa: ‘Inā tago ia outou ma feinu, o le ipu lenei o lo’u toto, o le toto ole feagaiga fou ma le fa’avavau o le a fa’amaligiina mo outou ma le to’atele, mo le fa’amagaloga o agasala.’ E to’atele tagata e talia le Eukalisitia e le manana’o e inu mai le kalise mo ni mafua’aga le ma’alofia; ae o le sa’iliili i le tāua o le Toto i le faitaulaga a Keriso i lona tala’aga atonu e fesoasoani e fa’aloloto ai lo latou atamai i le mauluga o le tāua o le mea o lo’o tatou patipatia pe a vala’au mai le Ekalesia i le fa’amanatuina o le sulufaga o le Tino ma le Toto o Keriso.

10

ASO 10 IUNI ASO SA 10 TAUSAGA MASANI:

Faitauga muamua: Kenese 3: 9 – 15. Matua: ‘Ou te fa’atupuina le feitaga’i iā te oulua ma le fafine, o lau fanau fo’i ma lana fanaū.

Salamo 130: 1 – 2 (tali), 3 – 4 (tali), 6 (tali), 7 – 8 (tali). Tali: O i le Ali’i le alofa, o iā te ia fo’i le fa’aoataga tele.

Faitauga lona lua: 2 Korinito 4: 13 – 18; 5: 1. Matua: Ua matou fa’atuatua, o le mea lea ua matou tautala atu ai.

Aleluia, Aleluia... O lo’o fa’amasinoina nei lenei lalolagi. O a’u fo’i, afai e si’itia a’u ai le ‘ele’ele, ‘ou te tosina uma mai tagata iā te a’u, ua fatalāi mai ai le Ali’i... Aleluia.

Evagelia: Mareko 3: 20 – 35. Matua: Ua o’o Satani i lona i’uga.

Tofitofiga o le Upu:

O fea e sau mai ai le agasala ma le leaga? E fa’apefea ona tupu? O le fesili lenā o lo’o taumafai faitauga o le asō e fa’amatatala. E to’atele i tatou ua fa’alogo i talanoaga i agaga leaga ma tagata na ulufia o le a lē mautonu ma fa’ aupuga e fe’avea’i, ae o le manatu o a’afiaga tele a le temonio e sau ma le aunoa ma se leo ua masani ai le tagata, aemaise pe a tatou manatu ifo tagata na faia i le alofa o le Atua. O le tala i le fa’aososoga o Atamu ma Eva o se tala fa’atauvā’ a o lo’o sa’ili e feagai ma le amataga o le moni o le tiapolo. O le manatu o le ulufia po’o se fa’aososoga atonu o ni ‘aula ia e fa’amatatala ai ni mea na tutupu e fa’ailoa ai po’o fea na mua’i sau ai le leaga, ae (e pei ona iloina e Atamu ma Eva) e le sao ai i le ‘au atu ai i le leaga. O le mafua’aga lenā ua talafeagai ai le fa’apalenī mai ia Paulo i le asō. ‘O le mea lea matou te lē fa’avaivai ai.’ O lo’o fa’atauanau mai Paulo po’o le ā le mea e tupu iā i tatou ua vala’auina i tatou i le mammalū e fa’avavau, ma o le fe’au lea o lo’o una’ia mai pea mo latou e fa’alogo i ana upu ina ia finau i ai, i le te’ena lea o le tiapolo ma le agasala.

E lua ni vaega e popole ai mai le Evagelia e ao ona ave’eseina ai le mafaufau o le ua fa’alogo. O lo’o fai mai Mareko o lo’o masalosalo aiga o Iesu ua valea, ma ua manatu le ‘au tusiupu ua ulufia e Pelesepulo. I le Evagelia a Mareko e leai lava se isi na malamalamā iā Iesu ma lana matafaioi i taimi o lana tala’iga (vaganā ai le agaga leaga na ia tuli ‘esea). Na fa’atoā fa’āali e Iesu le fa’akoluseina ina ua fa’ailoa e le ta’ita’i o le to’aselau o ia o le Alo o le Atua – e leai se isi e malamalamā iā Iesu pe a leai le koluse, ma o le moni lava lenā mo le ‘au fa’atuatua i nei aso. O le manatu i se agasala e fa’avavau o se isi lea popolega – ae fa’apea o upu ma galuega na faia e Iesu i se agaga leaga sa i totonu o ia, o le fa’amausaliiina lea na ulufia le Atua e se agaga leaga – ma o le tu’ua’ia o le mafuaga o le tevolō i le Atua o le taumafai lea e vavae’eseina mai se tasi mai le agalelei o le Atua.

FAITAUGA MO LE MASINA ME 2018

ASO 17 IUNI ASO SA 11 TAUSAGA MASANI:

Faitauga muamua: Esekielu 17: 22 – 24. Matua: Ua ‘ou fa’amaualugaina le la’au maulalo.

Salamo: 92: 1 – 2 (tali), 12 – 13 (tali), 14 – 15 (tali). Tali: Le Ali’i e, e lelei ona vivi’i atu iā te oe.

Faitauga lona lua: 2 Korinito 5: 6 – 10. Matua: Pe matou te nonofo i le tino, pe matou te nonofo ai, ua matou loto malolosi ina ia fiafia ma ia iā te i matou.

Aleluia, Aleluia...O le fua o afioga ia a le Atua, o Lē e lūlū le fua o Keriso, o i latou uma e o mai iā te ia e ola lava se’ia o’o i le fa’avavau.

Evagelia: Mareko 4: 26 – 34. Matua: E la’ititi le fua o le sinapi i fua uma; pe a totōina fo’i e avea ma la’au tele.

Tofitofiga o le Upu:

O le faitauga pu’upu’u mai ia Esekielu o le fa’ai’uga lea mai se vaega uiga ‘ese mai le perofeta i ni fa’asologa o ni fesili taufa’asesē ma tala e uiga i ‘oa o malo tetele i ona taimi. **Ae** o le vaega fa’ai’u lea ua tūleīa le tala o le vaitau o le tala’aga o le Mesia. O le ‘au fa’aaunu’ua ma le ‘au tafefea o lo’o talanoa mai ai Esekielu ua ‘omia i le finauga mo le pule i mataupu fa’apupufai a malo , ae ua va’ava’ai le perofeta i tua atu i le taimi nei i se lumana’i mamalu na o le tasi le pule, e lē o se ta’ita’i i lalo nei ae o le Ali’i le Atua. O se folafolaga o le a gaoi le Atua, e lē na o le tulaga ua i ai nei, ae o le a amata ona fa’aofi mai se vaitau o le a o mai uma ai tagata (e o’o lava i manu fai apa’au, o la’au uma o le vao matua) o le a fa’ailoaina le Ali’i e tasi. I le evagelia o le asō ua mulimulita’i Iesu ia Esekielu ua aumaia o ni tala fa’atusa o ni fa’ata’oto e aumai ai ni fa’atonuga e uiga i le malō – ma o lenei malō e pei o le malo a Esekielu, o se malo fa’amesia na o le Atua e pulea ma tu’u fa’atasia mea uma. O le su’i masani o le tele o fa’ata’oto i mataupu faifa’atoaga a Iesu o le malosi’aga lea o lo’o sau ai tua – o le tele o mea e le tumau ma mautū ae i ai le malosi’ag e galue ai i tua atu o le pule a le tagata. E pei ona fa’aalia mai e Esekielu i se vaega tele o le faitauga muamua o le asō, o a’oa’oga a Iesu o fuafuaga ia a le Atua e le fa’amoemoe i gaioiga a le tagata, pe fuafua e le tagata ae iai lava lo latou fuafuaga o le a fa’ataunu’uina ile taimi ua fuafuaina – taimi a le Atua.

11

ASO 24 IUNI ASO SA ASO FANAU O IOANE LE PAPATISO:

Faitauga muamua: Isaia 49: 1 – 6. Matua: Ua ‘ou avatua fo’i ‘oe e fai ma malamalama o nu’u ‘ese.

Salamo: 139: 1 – 3 (tali), 13 – 14 (tali), 15 (tali). Tali: ‘Ou te vivi’I atu iā te oe; o mean a faia, o mea mamana ia.

Faitauga lona lua: Galuega: 13: 22 – 26. Matua: Fa’auta mai, o lo’o mulimuli mai le tasi.

Aleluia, Aleluia...O oe fo’I le tama, e ta’ua oe o lm perofeta a le Silisili’ese, auāe te muamua atu I luma o le Ali’I e sauni I ona ala...Aleluia.

Evagelia: Luka 1: 57 – 66, 80. Matua: O Ioane lona igoa.

Tofitofiga o le Upu:

O le tāua o Ioane le Papatiso i le evagelia e maoa’e ma o lenā mea moni ua atagia mai i Sauniga a le Ekalesia, ua tu’uina atu i le Papatiso ni aso sulufaga se lua (o le asō ma le fa’amanatuina o lona maliu 29 Aukuso), ua fa’aeaia ai o ia i aso Sa e lua o le Atevetu i tausaga ta’itasi, ma ua mafai ai ona fa’amanatu nei sulufaga i se aso Sa. E ao fo’i ona maitauina – e pei na o sulufaga tetele – e i ai lava le Misasa i afiafi o aso To’ona’i ma o latou faitauga fa’apitoa pe a patipatia le Misasa i le afiafi i luma atu – ae mole tele o falesa i lenei tausaga, o le afiafi o le aso To’onai nei.

E lē masani a’i ona fa’amanatu se aso fanau a se sagato/sagata, e ui lava e le’i mautinoa na fanau tonu Iloane i le aso tonu lenei. O le filifilia o le aso 24 o Iuni o se filifiliga fa’atelosia; o lo’o fa’ailoa mai ai le tofi moni a Ioane, o lē ua saunia le ala mole Ali’i. I le Evagelia a Luka o le fanauga o Ioane ua i ai le so’otaga i le aso fanau a Iesu, ma ina ua fa’atulaga le aso 25 o Tesema mo Iesu, na fa’apea ona fuafua i ai ma Ioane. Ae o le feso’ota’iga fa’atelosia o lo’o i le Evagelia a Ioane o lo’o fa’amaumauina o Ioane lava ia e lē o le malamalama, ae o se molimau i le malamalama, ma e ‘fa’ateleina o ia ae o a’u e fa’aitiitia’. O le sulufaga la o le Papatiso ua fa’atulagaina e mulimuli mai i le aso pito sili le umi ina ua fa’aitiitia le malamalama, i le fa’atusa lea i le fanau mai o Iesu mulimuli mai i le aso pito sili le pu’upu’u ua fa’iumumi ai le malamalama. O Iesu o le malamalama matafogie lea a le lalolagi; o Ioane le Papatiso na fa’ailoa lona sau, o ia o lē e tatau ona fa’aitiitia, ma o mea uma e uiga iā te ia o se fa’asinomaga lea iā Iesu, o se tala e uiga i lē e sau. O le mea lea, e o’o lava i le patipatia o le fanau mai o Ioane o se fa’ailoga lea o le tasi o lo’o tatou sa’ilia. O Ositalulaga ma ‘au’una uma lava e sapasapai i o latou loto le matafaioi a Ioane – lo latou matafai-oi – lo latou matafaioi tāua tele – o le fa’asino lea iā Keriso, ma e pei o Ioane, ua vala’auina i latou ina ia fa’aitiit ma tu’u atu o ia ina ia fa’ateleina.

Taulogologo



O LE FA'ASOLOGA O MISASA MO IUNI 2018

12

1 st . Sunday			
3 Iuni 2018	8.30am	Strathmore	Patele Maleko
		Taita	Leai se Misasa
		Titahi Bay	Leai se Misasa
	11.30am	Newtown	Patele Maleko
2 nd Sunday			
10 Iuni 2018	09.00am	Wainuiomata	Patele Denis
	11.30	Naenae	Patele Petelo
		Marton	Patele Maleko
3 rd . Sunday			
17 Iuni 2018	11.30am	Newtown	Leai se Misasa
	11.00	Heretaunga	Leai se Misasa
4 th . Sunday	11.00am	Lower Hutt	Patele Cirilo
24 Iuni 2018	11.30	Stokes Valley	Patele Maleko

KALENA A LE MATAGALUEGA MO ME 2018